

*superne paniculato; capitulis luteis; involucri foliolis marginae late scariosis.*

*L. glomerata* Cass. Dict. sc. nat. XLVIII. 422. = *Chondrilla capitata* Sieb. = *Sonchus capitatus* Spreng.

14. MICRORHYNCHUS n. g. Achaenium glabrum, angulatum, quinquecostatum, costis callosis, subaequalibus crassissimis, rostro vix manifesto. Pappus multiserialis. — *Herba Aegyptiaca facie praecedentis, capitulis paniculatis.*

*M. nudicaulis* \* = *Lomatolpis nudicaulis* Cass. Dict. sc. nat. XLVIII. 422 = *Condrilla nudicaulis* L.

15. MACRORHYNCHUS n. g. Achaenium glabrum, plano-obcompressum, costis numerosis, suberoso-callosis exaratum, oblongo-ellipticum, apice attenuatum in rostrum longissimum gracillimumque, areola intus laterali. Pappus pluriserialis. — *Herba villosa-canescens, paucipollicaris, Chilensis, tantum basi ima foliata, multicaulis, caulibus simplicissimis, monocephalis, apice villosis, foliis oblongis pinnatifidis, hirsuto-villosis; involucri imbricatis, campanulatis, squarrosis, foliolis exterioribus villosis; rachide nuda.*

*M. chilensis* n. sp. Capitula lutea aequae magna ac in *Picridio tingitano* (v. sp. in herb. Kunth., a cel. Gay communicatum).

16. LAGOSERIS M. Bieb (*Pterotheca* Cass. Dict. sc. nat. XXV. 62, XLIV. 56). Achaenia marginalia pl. calva, oblonga, extus striata, intus 3 — 5-alata, alis demum undulatis, suberosis; reliqua gracilia, cylindracea, striata, rostrata et pappo frequente, capillari coronata. — *Herbae per Europam australem et Asiam minorem divulgatae, tantummodo basi foliatae, oligo- s. polycephalae, foliis pinnatifidis; involucri campanulatis.*

*Lagoseris nemausensis* Bieb. = *Pterotheca nemausensis* Cass. = *Crepis nemausensis* Gouan. = *Andryala nemausensis* Vill., Cand. — *Myoseris purpurea* Link, si fides habenda est specimini, quod sub hoc nomine ex horto botanico Berolinensi accepi, a *Barkhausia* separare nequitur.

† 17. PACHYLEPIS n. g. (*Sclerolepis* Monn. Ess. Hierac. p. 81. tab. 4. D.) Achaenia gibberoso-incurvata, breviter rostrata, compressiuscula, exteriora calva, truncata, facie exteriori striata, interiori unialata; interiora longitudinaliter

et transverse striata. Pappus pluriserialis, albus, mollis, subdenticulatus. Rhachis bracteolata. — *Herba erecta, borealis Americana, foliis sessilibus, lanceolatis, serratis; capitulis luteis, subumbellatis; involucris subimbricatis, foliolis rigidis, carinatis; rhachide plana.*

*P. Kalmii* \* = *Hieracium Kalmii* L.

2. SONCHEAE. Achaeniis erostribus apice que truncatis.

18. SONCHUS L. Achaenium conforme, exalatum, erostre, apice truncatum nec attenuatum, plano-compressum, transverse rugulosum. Pappus pluriserialis. — *Herbae facie polymorphae, saepissime hirsutae foliisque pinnatifidis, capitulis adgregatis, coeruleis vel luteis.*

*S. palustris, oleraceus* L. etc. — Launaea Cass. Dict. XXV. 321. nulla nota essentiali diversa esse videtur.

*Sonchus umbellifer* Thunb. fl. cap. p. 614! est omnino *S. oleraceus* var. *asper* Wahlenb. fl. ups.! Etiam *S. glaber* Thunb. ibid. non diversus est ab eodem sed mera varietas foliis pinnatifidis, laciniis dentatis.

19. PICRIDIDIUM Desf. Achaenium conforme, exalatum, transverse tuberculatum, quadrangulum, prismaticum, apice truncatum, erostre. Pappus pluriserialis. — *Herbae dichotomae, Europam australem aut Africam borealem habitantes, foliis amplexicaulibus, integris; capitulis luteis, magnis; involucris campanulatis, imbricatis; pedunculis clavatis.*

*Picridium vulgare* Desf. = *Sonchus picroides* L., All.; *P. tingitanum* Pers. = *Sonchus tingitanus* Lam. = *Scorzonera tingitana* L. — *Closiospermum* Neck. elem. I. 54.

## SUBTRIB VII. HIERACIEAE.

(*Hieraciarum* Cass. et Don. pars minor.) \*)

Rhachis ebracteolata aut bracteolata. Pappus piliformis, rigidiusculus, fragillimus, demum saepissime sordidescens s. flavescens, nunquam plumosus, pilis exactissime linearibus nec basi manifeste complanatis et latioribus. Achaenium

\*) *Aug. Monnier* Essai monographique sur les Hieracium et quelques genres voisins. Nancy, 1829. 8vo.